





滄水文集卷之六

金翰林學士承旨趙秉文周臣著

律詩

塞上四首

窮邊四十里野戶兩三家山腹過雲影波光戰日華  
汲泉尋澗曲樵路入雲斜隨分坡田罷還簪野州花

其二

因尋射雕壘偶到殺狐川鹵地牛羊瘦邊沙州木羶  
廢城餘井曰古戍斷烽烟自說無征戰經今六十年  
其三



薄宦邊城裏經年無客過一川平地少四面亂山多  
野色連秋塞邊聲入暮河日貂寒更薄飄寄欲如何  
其四

樹靄連山郭林烟接塞垣斷崖懸屋勢漲水沒沙痕  
烽火雲間戍牛羊嶺外邛太平閑檄手文字付清尊

寒夜

歲晏寒無那夜深清欲饑竹風驚夢斷雪意聽窓知  
稍：鵲翻樹蕭：人語籬虛明滿吾室何許月來時

三山渡口

春水三山渡斜陽八字堤河滄樹身短沙截草痕齊

地納黃流大天啣浚漳低故人不見我愁思使我迷

西陵

藹：西陵樹蕭條歌吹聲客愁連斷雁地古更荒城  
山色嬌新雨河流怒不平浮雲臺上起不盡古今情

柏人光武廟

真人開有漢帝業肇無萎灑落君臣契艱危廟社圖  
山川扶鄩邑日月拱東都社稷千秋里風雲四達衢  
北風吹雨雪西日照桑榆舊物餘翁仲荒祠老祝巫  
功臣遺像在時有鼠啣鬚

正覺院



西日轉廊腰，踈鐘送沈寥。壞牆緣苦陂，屋上凌霄白。  
髮知僧臘，青燈更客宵。葉聲風外盡，窓雨續蕭蕭。

開元寺

歲女開元寺，槐花落石龍。僧餅深碧甃，蝸壁篆金容。  
窓影年々墻禽栖，夜々鐘平生睡。秋雨竹閣味偏濃。

散策

解鞍成小憩，散策逐幽欣。偶拂水邊石，坐看岩上雲。  
桑麻深畏景，水竹淡斜曛。興寄方自得，清涼誰與分。

陸渾

已見第二卷中

言從陸渾去，不遇紫芝還。鳥飛不盡處，夕陽千萬山。

雲起動兼靜，水流忙更閑。坐待石上月，滅汲烟嵐間。

梁園中秋

今夜梁園月，相逢照一尊。他時千里共，此會幾人存。  
老我追隨盡，憐渠笑語溫。不眠瞻玉兔，終夕露荷翻。

梅和尚節使挽詞二首

鏖戰群奔外，申威一呼間。功名歸死事，義勇鄙生還。  
矢向胡天盡，弓猶漢月彎。君王思戰苦，起塚像天山。

又

走卒知處將，兒童說義州。甘心輕白羽，苦戰脫兜牟。  
援絕揮戈地，創餘振臂秋。英魂知不泯，結草抗邠仇。



温妃挽詞二首

白日森容衛青春忽夜臺鼎湖龍已去謀館燕室迴  
仙駕隨天遠妝奩惻聖哀祇應彤史上遺采不塵埃

又

容衛三春肅如何一旦殊妃星淪紫極帝子渺蒼梧  
卜地陪長樂升天後鼎湖皇情何以慰彤管載嬪虞

和西溪思歸

好在西溪隱人今白玉堂興來看画本夢去拂西墻  
舊竹多年合新松几許長從渠黃石老獨占白雲鄉

獄中

處順初無累安時故不憂敢違身後慮甘向死前休  
有姊如工部無兒似鄧攸悠々天地意還許望松楸

徙倚

徙倚秋原上長吟動所思草荒天馬瘦日落野鷹饑  
多病親朋改中年齒髮衰功名付公等才力况明時

寒食遙奠西山寺二首

榆中草色無春水稍漸車野祭一盂飯鄉愁千里餘  
年々寒食客日々故園踈莫訝親絕嵇康懶寄書

又

年來百事廢漸與世情踈按上一盃酒床頭幾冊書



春風疑混沌 水月似空虛 頃刻翻晴晦 吾心淡以如

赴寧化宿王道

山屋如雞柵 才容卸馬鞍 風吹四山雪 月照一川寒  
不敢侵星起 惟愁上嶺難 中宵問前路 安枕若為安

觀境院

棟宇懸崖上 山光淡復深 夕嵐無遠近 返照有晴陰  
泉落莓苔石 風光松櫟林 悠然成獨酌 啼鳥是知音

蘆芽山

荷葉平初盡 蘆芽勢漸分 朝來知宿雨 谷底見歸雲  
日上松猶滴 風來草自薰 臨溪歸路險 萬筏下河汾

荷葉平

平生慣山水 見之如等閑 竭來驚老眼 何處無名山  
蕭萃千峰外 蒼莽一雨間 山神應解事 為我洗羸顏

管州道中

龜手酸風裏 寒多酒不勝 馬蹄荒店雪 人跡斷橋冰  
瘦骨成山字 霜髯作戟棱 綠窓三丈日 政尔梦騰騰

代郡張氏瑞柏堂

鬱鬱何年植 盤盤兀老蒼 文章深篆籀 忠義飽風霜  
子舍占烏鵲 孫枝托鳳皇 主人廊廟具 會見拂雲長

謁北嶽

觀音院  
棟宇懸崖上  
風煙漾翠中  
寒通沙渚月  
清帶雪山風  
茗水無瓶得  
其燈裝牖通  
仍開馬頭寺  
別業亂山叢



四大神儀一群山大茂尊奠才荒奠宅視禮配天孫  
西送虞淵暮東瞻碣石噉寶符臨代郡巨鎮扼并門  
控趙襟形壯包燕氣象渾九河探禹跡萬里叫虞蒐  
在昔登封始初無羽衛煩千官駢部曲萬騎隘山樊  
卜地恒陽曲移祠泰始元晉移祠曲陽荒碑刊歲月  
飛石礮乾坤帝秩加黃屋宮居象紫垣雪相仍芝瑞雨  
坳裂槐根天業恢弘大山靈翊衛屯巫閭歸帝制長  
白發金源九廟龍盤接三邦蛇勢吞雲烟浮近甸日  
月統中原款謁天香重封題御署存銀諸產富雷  
雨萬靈奔聽神羞回德天聰納正言負時身九死去

國泪雙眼日近趨天闕生還記聖恩許身空稷契無  
術補羲軒帝籙長素洞仙岩張果村卜居如可近重

整北山轅

過黃崖二首

患難驚身在龍鍾感歲新山川愁倦鳥歲月老行人  
落日黃崖古東風白雪春傷心橫水北無乃久風塵  
又

落日逢人恐深秋動旅懷乳鷹家碧嶂饑席乳黃崖  
此道將何遠吾生尚未諧傷心墟落裏犬舐有殘骸

桃花島回寄王伯宜



水破村橋擁春寒旅雁低遠山封霧小高浪與雲齊  
島寺明松雪潮船濺藕泥詩情吟不盡寄語畫中題

咸平道中

道壞綠岡遠村流自作塘夕陽開野色秋水納山光  
雨住林逾黑鳥歸天更蒼冥搜無好句淡墨寫微茫

慶雲中道

對岸青山隔孤城碧浪開綠蕪天際合白鳥日邊回  
渡口呼舟急沙頭立馬催夕烟生極浦欲上客衣來

中秋金河感懷

金山今夜月遼水一尊同雁影不復北馬蹄猶向東

山川新戰血宇宙舊飄蓬擾々餘生事愁來醉眼中

登巢雲樓

烽火三年戍沙泥儿戰場自予耳薄宦與子各殊方

寒木銅春色高樓傾夕陽如聞洗兵馬失喜問臨潢

和陽子元二首

紅葉如人老黃花與世疎物華行晼晚天宇迫澄虛  
山作瞬風画雁成人字書相逢一杯酒秋興各何如

又

小雨班班落庭槐槭々疎秋涵山骨冷天入水痕虛  
多病難忘酒窮愁強著書深慚靈感老特復問何如



松下獨酌

行人隱微逗古寺帶平崗山勢依城斷河流入野長  
樹歌枝壞道艸卧壓頽墻獨酌無人共松風薦一觴

松山道中

松漠三百里飄然一日中山長雲不斷地迫雪無窮  
遠嶺貪殘照深林貯晚風烟村一回首獨宦下晴空

疊翠岩三首

枯枿似黔突斷崖如削瓜林深看風雨地古更烟霞  
脚力行將盡雲山殊未涯試窮千里日直北際龍沙

其二

飛身清曠外着眼有無間崖斷疑無地雲開更有山  
鳥隨天影沒人自日邊還歸夢扶清境詩情不得聞

其三

帳殿臨青嶂蒼崖襲翠烟孤根盤厚地秀色入蒼天  
井有四時雪岩垂萬古泉皇情非暇豫問俗到山川  
陪李舜咨登憫忠寺閣

日月纏雙拱風烟納寸眸雲山浮近甸宇宙有高楼  
鳥外餘殘照天邊更去舟登臨有如此况接李膺遊

宿崔家庄

野次寒山外人家霽雨中餓鷹蹲落照危葉顫西風



墻缺青山補橋歌白水通豐年聞好語倚杖問臧翁  
過躡水

夕陽山豁處平照大河流漠：雲間樹悠：天際舟  
黃塵隨匹馬白水自復鷗會得閑中趣浮生半白頭  
通許道中 南征

曉逐三軍發清寒苦不禁征驂過野店寒犬出踈林  
宿火留行客霜枝涓凍禽披鞍覓閑句愁些不成吟

廬州城下

月暈曉圍城風高夜斫營角聲寒水動弓勢斷鴻驚  
利鏃穿吳甲長戈斷楚纓迴看經戰處慘徒暮烟生

章宗挽詞

鳳紀三十歲龍飛二十年竟辭徽號冊空頌柏梁篇  
授聖金滕起遺言玉几宣建平何苦識兩泣戴仁天

暮春

自嗟中歲在不與暮春宜非復歡娛地其如老大時  
百歸覽鏡萬事入支頤此意無人會陶情一賦詩

汝瓷酒尊

祕色創尊形中泓貯醪醴縮肩潛鯉鯉蟠腹漲青寧  
巧琢晴嵐古圓瑳碧玉瑩銀杯猶羽化風雨慎緘高  
湧雲樓雨



滿地江湖夢連陰悔朔秋雨中  
山侶醉風外浪如愁  
眼病憎黃卷心安任白頭  
明年一官滿誰復話登樓  
窮愁二首

乍喜三唐伏還驚一葉涼  
窮愁天色少睡思雨聲長  
掩卷悲興替懷人問在亡  
平生度開府詩興未能忘

何處新秋好飄蕭意欲仙  
乍涼新雨後欲曙未明前  
莎影蛩吟地松梢雀啖天  
物情無好醜適意各天然

和潘師韻

睽離三十載重此叩玄澗  
日月復蓬鬢乾坤一布衣

月明渴水宿秋老華峰歸  
不得陪仙馭浮生有是非

和政老九日韻

數日闌坐卧体中殊不佳  
那知是重九但喜見黃花  
矯首懷天末携壺傍水涯  
琳宮題壁處醉墨字欹斜

贈茅先生

二室神仙宅三茅道士家  
野人遺竹筴劉仙編竹筴以

給公朝夕弟子掃松花  
有道能擒虎無心任踐蛇  
天

平有陳迹吾欲老烟霞  
去歲兵至公菴公了無惧色  
兵亦不敢害

大雪二首

大雪無朝暮衰年見未曾  
園林春浩蕩川岳氣憑陵



雲慘天應漏陽激井欲冰欲尋安道舍何處一龕燈  
又

大雪欲平簷黃昏氣轉嚴天邊迷草樹雲外失烏蟾  
天意平高下人情有愛嫌抱貪酬桂玉樓上醉厭：

雪霽

黃雲霽雪威寒日淡暉：雨砌晴先滴風簷落更飛  
侵凌池面瘦擁腫樹身肥長憶廬陵老憂時咏鐵衣

十月菊得深字

地偏開較晚風勁可能禁雨漬金英淺寒添紫暈深  
抱藪無晚蝶窺蕊有貞禽留待飄零後梅花約重尋

白雁

波淨影逾白霜清泪更哀乾坤復鬢老風雪一聲來  
林迥隱猶見天長去復迴物情嫌太索莫使羽毛摧

雪

朔雲連鄭圃飛雪滿梁園猛勢池心滅清聲竹外繁  
飢鴉寒啄樹敗屢踵臨門何以娛佳客開軒對一尊

野菊

離：岩下菊無主混蓬萊路斷秋光隔山明水影交  
荒藜鳴蟋蟀寒葉挂蠨蛸擬訪陶廬飲柴扉何處敲

岳觀



步屣方垓上行吟避艸菊簾聲風拂燕池影柳蹲鴉  
天入濛濛雨春歸淡淡花遊春心未老牆外度香車

秋雨

天邊認遙電雲際尚殘陽雨脚夜深白濤頭曉霽黃  
沙邊明雁影林外見山光擬盡登高興秋懷祇自傷  
手稻棹皮彈琴圖

何人聊幻巧袖裏見毫端道眼無二見心齋廢六官  
煩君無耳聽寓我非指彈擺却伯牙手秋風萬籟寒

早出新安

夜宿新安驛平明雪塞碓馬頭迷舊路席跡即新蹄

冰凍寒流狹天啣遠路低人稀山店遠茆屋只聞雞

明惠皇后挽歌詞四十首

皇明齊月象厚德配坤元惻怛憂民意勤勞毓聖恩  
國風悲卷耳星緯暗軒轅喪妣人心痛哀號望寢園

其二

威儀文物脩祖載出叢塗薄塋追三代嚴裡致九虞  
仁恩遺鳳詔功渥載龜趺左右重興業詩書讚永圖

其三

太極齊元始三光並照臨勤勞憂國念惻怛愛民心  
玄鳥歌殷毋思齊咏太任西朝誰儷美萬古播徽音



其四

堦萸凋葉盡宮漏滴聲殘玉儿俄遺訓龍樓罷問安  
雲容愁慘戚風色慟悲酸萬古余功德煌：玉冊寒

其五

疇昔占虫夢今來嘆鳳飛漢宮遺內則文母謝芳徽  
永卧重泉夜空餘大練衣魏郊寧以駐會有德陵歸

其六

阿母瑤池去應歸海上峯寶奩空有象練幄靜無蹤  
孝享嚴三廟輿儀備九龍獻陵今密邇揮泪灑楸松

其七

聖德高千古慈闈十萬春地維傷絕紀月彩忽韜輪  
應物歸先識憂民感至仁神儀雖已闕遺範不埃塵

其八

膺符稱太母衍慶廣金源衣練蠲重彩躬蚕屈至尊  
賜冰防病暍恤獄恐民冤孝意遵遺訓詞臣嘆永言

其九

葛覃歌節用卷耳頌求賢遠厭人間世還為物外仙  
會觀羞泉露無復夢捫天玉座虛長樂依然夜月懸

其十

謙抑傳家法寬仁沃帝聰禮崇光教塔時奉孝嚴宮



皂隸恩皆及嬪妃愛惡同  
挽階花泣露應是怨西風  
其十一

慶源鍾馬鄧何止活千人  
陰花行中壺松權抑外親  
鳳輿歸厚夜蚕館閉長春  
蕭寺諸嬪御能忘賜饀頻  
其十二

方享東朝奉俄几甲子還  
玉梳音宵：彤管事班：  
陵寢音容闕蓬萊日月閑  
丁憂遺詔在恩澤滿人間

其十三  
式屬多難際方承長樂歡  
霜飛金殿冷月沒桂宮寒  
兩泣愁雲慘風悲薤露殘  
南山為樂石遺美豈能刊

其十四  
一紀坤儀正千齡母範彰  
徽音齊太姒厚德配娥皇  
衣練昭純儉因山成厚藏  
傷心彤史上千古播遺芳

其十五  
緱氏傳仙裔燕山啟夢符  
化人先正己祈福為民敷  
疾殆申遺命憂深示永圖  
傷心虞帝事烟雨暗蒼梧  
其十六

奔走来群辟哀推慟百靈  
妖氛湮壁月霄漢殞軒星  
玉几遺周訓妝奩泣漢庭  
近畿遵薄莖神意想來寧  
其十七



身尊恒率禮名正更持謙椒掖坤儀正天庭母訓嚴  
鴻名登玉簡遺像入霜縑異日朝陵處應須啟鏡奩  
其十八

寬和能待物凝密勸行仁道德持三寶恩私逮四民  
兩朝隆漢禮十亂冠周臣一旦仙遊去空餘四海春  
其十九

心知為善樂敬傳又尊師國化濯衣儉民歌賜藥慈  
誦經虛玉案奉物冷金彝遺旨無窮恨風吹徧九疑  
其二十

六綽辭秋殿玄堂啟夜扉一朝歲壽器千載閱容衣

縣象軒星掩哀歌薤露稀松楸交隧道會有五雲飛  
其二十一

保阿成訓在閭闔令儀昭儉德高千古仁聲溢兩朝  
事隨流水逝愁逐冷雲飄仙馭知何處憑誰問次寥  
其二十二

陰化昆乾造熙朝賴母臨功勳新女史德澤浹人心  
偃月丰容閔軒星瑞彩沉茄聲哀不盡陵柏自森  
其二十三

元勳施社稷茂德庇人民色養嗟中阻靈遊忽上賓  
侍臣歌薤露神物護龍輜祔廟推尊謚千齡寶冊新



其二十四

太姒敦周化塗山啟夏家尊名天此峻淑德日增華  
孝享心何切仙游望愈賒空餘遺令在攀慕極幽遐

其二十五

天禍纏興慶幽堂掩后稿徽音知有嗣孝養痛長違  
夜月空椒屋秋風冷玉衣遙瞻陵寢上慘淡暮雲飛

其二十六

風急搖寒樹虹蜚薄太陰雲隨仙馭遠塵入綺簾深  
索莫長秋外蕭條湘水潯聖情時悵望流淚滿宸襟

其二十七

吉夢攄天後明裡配地時嬪嬙彰淑慎生武極恩慈  
無復金輿返空瞻画翬馳蕭々松柏路長夜闕神儀

其二十八

玉音昭懿行彤管列闕休今日歸陵寢何年返玉樓  
聖心方盡孝鸞馭竟難留陵樹西風裏千秋萬古愁

其二十九

群生資茂育至德果難名憑凡言猶在因山事已成  
西風翻画翬落日送銘旌羽衛歸來晚蕭々萬馬鳴

其三十

音容歸壽器管御玉衣閑聖孝空如慕慈顏痛莫攀



雲愁縈汴水霧慘鏢夷山  
悵望白楊露翟車竟不還  
其三十一

孫謀貽嗣聖內教輔先朝  
孝敬全終始勤勞繼夙宵  
民灾憂水冷邊患慮天驕  
大漸惟几際猶思儉德昭  
其三十二

一紀成功著乘鸞上九天  
物生思德載聖慮想思憐  
儉素言猶在寬慈事有傳  
禁闈斜日晚空象空爐烟

其三十三

飄飄成遠駕寂靜掩玄堂  
蕩々神功著魏々聖業彰  
周任楊溢美漢鄧藹餘芳  
末命丁寧意憂民不暫忘

其三十四

褒讚存公議無慙六后名  
妝奩空有迹佩玉寂無聲  
登享升清廟哀號動聖情  
神靈陰有力保佑再升平

其三十五

蘋藻親三奠禘禴備六衣  
坤元方載物軒宿遽淪暉  
廟貌嚴新祔神游邈不歸  
白雲無處所長傍德陵飛

其三十六

馮相方觀祲巫陽忽告災  
千秋臨寶殿一夕闕泉臺  
纒緋悲長往靈輜挽不回  
昊天恩罔極長使聖情哀

其三十七



仙源周太子華裔漢徵君生聖休祥著憂民儉德勤  
姜嫄欣懿範光烈忽鴻勳輔就中興業飄然返白雲  
其三十八

屢輅陳彝憲龜人獻吉占郊衢笳鼓咽羽衛甲兵嚴  
雲氣迎鸞馭秋塵翳寶奩祝官揚至德簡冊發幽潛  
其三十九

月殿封寫鑑風帟卧佩環百神來肅衛萬騎盡虛還  
雨泣銘旌濕風淒總幄閑仙游無覓處追慕慘宸顏

其四十

月暈驚鸛薄川流駭沸騰憂勤終葵豫報施侶無憑

長夜扃銀海愁雲慘玉繩聖心哀念切素幄每晨興

河上

築堰分泉瓜開溝斷荻芽風期占月暈水信識桃花  
早愛顏河麦晴憐喚雨鳩春隨桃李侶月趁捕魚舟

雪中登真定閣

風月不如意寺樓高處吟城中十萬戶一雪太平心

連雪潮退

夕陽明島寺海氣入邊城潮落青魚出泥深白鳥行

即山禱咏

天城



造化博清氣秀出天城山青松伴僧老白雲如我閑  
馬耳峰

房駟落人間入石露瓊碧月明聞夜嘶驚落山頭石  
仙人峰

世界几微塵古今一昏曉笑謝區中綠獨立萬物表  
摩雲峰

青山本無情白雲自來往身在浮雲中仰看浮雲上  
獨冠峰

大塌難為兄小塌難為弟百里<sup>見</sup>至峰衆山皆迤邐  
五芝峰

白雲如幽人出山本無期朝來抱幽石五峰成六芝  
鬱秀峰

道人西澗來衣上南山雨心知石堂烟晴峰正堪數  
泓雲泉

藹<sub>々</sub>春雲滋岩溜滴泉乳獨留一泓碧去作人間雨  
上龍門

南北兩石門上下一靈鷲仰看蓮峰立忽見天門透  
下龍門

亂峰排鳥道一水會龍門禹力不到處猶知滄海尊  
奉命奏告山陵四首



祇命歎園陵，椒裝事行役。黃葉宿九程，青山館三日。

其二

西山積翠氣，空外摩青天。飛筇不到處，獨鳥冲寒烟。

其三

山前紅樹合，山頂白雲封。山中有蘭若，日暮聞疎鐘。

其四

山月出未高，林深鳥猶夢。霜落人未知，寒添覺聲重。

遊崆峒四絕

青龍峒

青龍不可見，雲自洞中出。為雨濟人間，歸時杳無跡。

仙人橋

絕澗初無路，通仙忽有橋。偶携青竹杖，平步到雲霄。

翠屏山

山作屏風樣，其如空翠何。不遮秋塞盡，空郭夕陽多。

參雲亭

鳥語山更靜，松聲風自寒。不嫌雲氣濕，來此凭闌干。



滄水文集卷之七

金翰林學士承旨趙秉文周臣著

律詩

春山詩意圖

何年身入畫圖傳  
侶是三生孟浩然  
詩句工夫驢背上  
醉鄉田地酒旗邊  
一川芳艸綠堪染  
夾路杏花紅欲然  
想見歸來泥樣醉  
却如醮水柳三眠

春日即事

走顧偶到野人家  
總把深心付物華  
鳥毳餘情閑日  
月花心深蠹半塵  
沙遊絲逆上風中柳  
亂沫分心水



際植且共年光暫觀化直須美酒送生涯

酷暑二首

林鴉開味忘飛騰天地為爐萬象蒸冰井湯塵几千  
尺塔鈴風闕十三層夢覺正遠雲帆客画本閑臨雪  
麓僧一枕雨窓惟靜勝不須赤脚踏層冰

又

石枕繩床夏簟藤慢膚終日厭敲蒸夢飛楚澤三千  
里人在秦樓十二層松頂露涼時警宦山房泉冷獨  
輸僧人間膏火塵城市世外清涼勝飲冰

棕扇

犀甲龍鱗倚半空抱歸掌握自清風山精附木鬚髯  
古回祿煽炎尾鬣紅何處青蠅千里外向來白羽一  
揮中水邊石上應須此乞與文園病肺翁

三臺懷古

人道奸雄君似鬼奸雄我道鬼輸君身猶北面魏基  
建骨入西陵漢鼎分貪與卯金成舜禹不知典午笑  
桓文清漳不洗前朝惡日遠三臺送夕曛

寄王學士

寄與<sup>語</sup>雪溪王處士年來多病復何如浮雲世態紛  
變秋艸人情日疎李白一盃人月影鄭虔三絕画



詩書情知不得文章力乞與黃華作隱居

登友雲亭

友雲飛觀鬱崔嵬落木蕭蕭：听者哀九日朱弦和雁  
斷開年黃菊費詩催淮天雨露橙千里梁地風烟酒  
一盃此日此生人共醉明年重健與誰來

除夜二首

何校本註鐘一者在前梅花在後 踏案

梅花無信報平安又聽譙門画角殘荒郡人烟窮臘  
外上方樓閣曉雲端沉：鳥沒天無盡漠：烟昏山  
更寒日暮數峰猶帶雪城頭霽色入闌干

天

龍鍾三十九年春諱說新年如諱貧醉白名堂其後  
進小坡著號似前身自憐耐辱称居士人笑無机似  
道人斷送生涯一枝足不須長物提天真

娛暉軒

右晉地形今日眼幾人亭榭幾人詩數州山水有窮  
處萬古風烟無盡時天逐南帆秋雁遠峰遠西望夕  
陽遲客來欲問忘歸意挂起僧軒君自知

馬頭山清居院

每逢佳處輒安跽及到清居半日慳晚壁撼鐘雲離  
石夜泉洗鉢月搖山人能作幾時客林下都無一



個閑不信試看題壁字明朝多是馬頭還

松聲

飛廉作意怒髯龍萬壑千岩氣象雄  
獨宦夢中搖夜月七弦徽外寄秋風  
石垓醮罷支筇裏天竺竺餘隱  
几中想見紛々吹子落山堂一枕耳偏聽

抹里湛酒

乍坼香泥甕釀成一鞭先到日邊城  
玻璃色映薔薇露沆漑光浮金菊英  
偶脫中州先酒譜賴傳後世以  
詩名相如病渴烏能賦久矣吾哀畏後生

連雲島望海

壯觀天東第一遊曉披絕島寄冥搜  
烟中熊岳隨潮沒天際道江入海流  
地絕四維那辨樹風來萬里忽  
通舟我從析木西南境回望中原四百州

庚申元日

一從禁苑別花塼四度山城自作年  
愁裏椒盤雙泪落坐中歲酒幾人先  
此心不動吾何敢老去知非理  
固然白髮無兒何足道且叔見在閑尊前

送張仲山

千山飛雪白磴々袖裏吟鞭送客來  
鬚出冰霜年貌改眼藏狐貉語音猜  
風吹陰磴魚鱗卷日曝陽坡龜



祇園四山放入無多力乞與西南構一軒

七金山寺

剝簷篆額蠹蝸涎像教塵埃閱百年殿棟猶題道日月圖經不載禹山川荒碑盤屈蜿蜒古壞壁叅覃罔象拳想見當時崇奉日無邊花雨散諸天

野香亭

半空欄檻倚雲根暇日登臨付一尊山上青蓮惟見塔水邊綠樹定知却花枝低拂尋春騎杜宇頻傷久客兔過盡芳時游客少一軒風雨送黃昏

靈感寺

徒河岍北白蓮東法鼓驚飛碣石鴻塔上風烟高鳥路山頭雲雨化人宮松林碍日蜂房冷石砌顏沙蟻穴空欲盡休公揮麈樂巽絲羞對落花風

蘭若院

傳經蘭若歲時同繡轂珠簾處逢花院鳥歸深殿磬雨樓人散隔城鐘長空淡：吞平墊落日澗：見遠峰年去年來人自老空餘壞衲挂長松

金河寺

何處人間六月秋金河寺外水西頭坐分游客青天幕醉倒詩仙白玉舟萬里南風凜老鬢百年心事一



沙鷗王侯蝼蟻俱塵土一笑從來萬事休

趙園

佳木千章曲岸南此園閱世似飛禽地幽花晚春兼  
夏山近嵐昏晴侶陰溪雨斷橋愁渡水樵風吹帽怯  
穿林馬<sup>頭</sup>納：沙邊路霜葉濃時憶重尋

扈蹕萬寧宮

一聲清蹕九天開白日雷霆引仗來花萼夾城通禁  
籞曲江兩坼盡樓臺柳陰蹕日迎雕輦荷氣分香入  
酒<sup>壽</sup>杯遙想薰風臨水殿五絃聲裏阜民財

琵琶嶺

曉拂朱闌滿袖風支頤冷望翠微中薄雲漏日岩開  
碧淺露離花澗滴紅馬散平坡臨水聚人來盤路到  
山窮子雲老大無才思懶賦長揚五柞宮

拂雲平

萬疊雲山最上頭千官影裏侍宸游翠岩秀色來天  
地黃<sup>嶺</sup>嶺<sup>嶺</sup>嵐光上冕旒帳殿影臨眠鹿地簫韶聲入射  
熊秋翠華指日東巡狩回望中原第一州

金蓮

一色天蓮玉<sup>氣</sup>色中離宮風月滿雲龍向來菡萏香銷  
盡何許薔薇露染濃秋水明邊羅襪步夕陽低處紫



金容長楊猶罷回天伏萬燭煌煌下翠峰

五月牡丹

好事天公養露芽陽和趣及六龍車天香護日迎朱  
輦國色留春待翠華穀雨曾霑青帝澤薰風又卷志  
城霞金盤薦瑞休嗟晚猶是人間第一花

和王正之寄遠二首

人生會合少知音一榻高懸肯重尋後日相逢應老  
大何時一笑共登臨三年京國塵埃夢千里故人離  
別心想見詩來愁擘帟倚闌清快北風襟

天

鍾鼎功名自有時如公才力不嫌遲且尋彭澤籬邊  
菊莫賦玄都觀裏詩晝寢執經童子問春遊齋印吏  
人隨懸知山縣無公事好續琴高第二碑

甲子元日大安早朝

闕角蒼龍建斗杓衣冠萬國大安朝使臣未入分班  
立殿陞將升按笏招彩殿中間瞻北極丹墀側畔聽  
簫韶太初甲子天元朔萬歲常瞻玉燭調

紅梨花應制

染根日費天工眼底梅花夢不同春色似憐啼夜  
雨天恩特許醉春風神郵翡翠餘輕碧雪點燕脂暈



小紅漢主藥宮三十六落：和氣月明中

轅門不寐

蕭：傳柝月三更歌枕轅門聽鼓聲戰<sub>馬</sub>不肥淮甸草  
征人愁望歷陽城兵戈荏苒音書絕行李蕭條幾虱  
生早晚樓船下楊子滿天風雨洗蠻荆

寄懷

不問山林與市朝大都鵬鷄各道遙歸心老去投林  
鳥壯志春來挂壁弔聖處工夫惟易可閑中日月以  
琴消十年鏡裏功名事白髮年來漸不饒

賦雪和張子野巡字韻

翰林風骨玉為神天遣簷花送酒巡侍從驂駟應白  
鳳神仙官府不紅塵懸知穎尾風流舊不及鰲頭句  
法新天上玉堂誰得見風光袞：筆頭春

楊祕監畫高士過關圖

三生自是竹林遊寫出荒寒意外愁世事盡如翻着  
襪人生剛笑倒騎牛關山風月詩千首富貴豪華土  
一丘獨有文章磨不得至今圖畫想風流

重陽後雪寄馬柔克

朝來飛雪白糝糊城郭山川入畫圖一色乾坤還太  
素萬家樓閣化清都狐裘貂帽將軍騎金帳羊羔太



尉姝何似吾家正清絕曉窓吟然凍髭鬚

過代

金波曾醉雁門州端有人間六月秋千古河山雄朔  
部四時風月入南樓漢家戰伐雲千里唐季英雄土  
一丘繫馬曲闌搔首望晚來閑殺釣魚舟

靜陽道中

路轉山腰步之迷高林淺水下回溪蕎花釀蜜蜂貪  
腹栢葉儲香麝養臍不覺困來尋短步偶逢佳處一低  
新題何時更到園林寺看遍峰巒處

題郝運使榮歸堂

翰墨聲名四十年歸來還作地行仙柴桑問路陶元  
亮洛社休官白樂天柱杖扶兒還客拜畫圖繪老聽  
人傳窮秋雨慘陂田出想見騎驢興渺然

遊郝家灤二首

山崦人家半夕陽倚墻爭看騎紅妝野泉自入他州  
界古碣猶存舊姓鄉蛇出廟孺神古柳牛尋沙灤憇  
柔柔蟬聲抵死催歸騎辜負亭陰一枕涼

又

水際林間杖屨香綸巾野服道家妝婦姑緝績欣同  
社翁仲扶筇不出鄉拜跪使君嗟老大逢迎地主問



耕桑今秋一飽天難必且快新苗雨後涼

題近侍局使聚扇

早朝携入紫薇宮日用都歸掌握中  
運使樞機真有道卷藏懷袖不言功  
宸<sub>庭</sub>永日更番暇水殿微涼侍宴終  
願以微軀奉清燕仁聲宣播舜絃風

張清獻公慶八十壽

富貴康寧壽八旬明時乞得自由身  
宦途班烈聯三事家法中朝第一人  
踈傳未歸東海郡白公獨享洛城春  
羸金換得傳經業留與玄城贄化鈞

上方

山近西臺易夕烟東臺占得夕陽偏  
貪看歸鳥過林隙不覺竒峰墮眼前  
土灶夜燒松葉火石盆曉漱菊花泉  
丹梯橫絕青山路勸子先參鳥道玄

題右丞畫荷蓀圖

杏花菖葉雨聲春耳作明<sub>時</sub>荷蓀身  
只道烏鴉猶父子豈知蝼蟻亦君臣  
杖頭明月挑周器松下衣冠自舜民  
好在丹青王右轄解迴枯槁入陶鈞

遊上清宮二首

霜葉蕭蕭覆井闌朝元閣上玉簪寒  
千年道宦歸華表萬里宮車泣露盤  
日上霧塵迷碧瓦夜深月露洗



荒壇斷碑膾炙人何在吏部而今不姓韓

又

暇日登臨近吹臺夷門城下訪寒梅鰲頭他日凡人  
在尊酒而今一笑開秋潦添餘村廷出夕春鳴處野  
禽來醉歸扶路人爭看知是詩仙閣苑回

送月上人赴少林

隻臂伽黎不作難將心到處遣人安瓶離汴水秋風  
冷錫入嵩峰夜月寒篋裏贈詩更雨曬囊中施鉢對  
風餐心知擬就東林宿已向林梢薦剎竿

登定安閣

翬飛高閣迥凌虛中有盤：一塔孤千里河山隨指  
顧諸天日月遠彌虛神超因象遺身世眼無蒼茫一  
有無便欲乘風游汗漫幡然回首念南都

許州襄城縣進嘉禾合穎應制

襄城：下壤歌傳驛奏嘉禾到日邊穎合周王新雨  
露畝分黃帝舊山川太平氣象聯珠琲明德馨香到  
豆籩萬國和同歸帝治古書願獻補遺編

陳州進黃鸚鵡應制

隴鳥明時亦效祥天教合侍赭袍黃九重城裏駢鶯  
舌百子池邊借鳴裳夜臂翠簾條脫市春籠珠殿荔



枝香紫宸朝退鳴稍遠偷學山稱萬歲觴

寄陳正叔

渺：西風去翼輕霜林楓葉動秋聲嵩邱競秀容多  
可河洛爭流忌獨清廣武山川留故壘城臯州木闕  
空城憑高一掬英雄泪付與窮途阮步兵

贈磨鏡李先生

自笑年來白髮公丹砂不肯借顏紅分無海上三山  
藥來訪人間百歲翁黃瀆何曾浣明月青天元不碍  
冥鴻何時相約丹元子便欲因之乘曉風

記夢

六年京國鬢塵黃一望家山一斷腸病後始知謀退  
晚夢中猶記和詩忙風來行裏娟，好水過花間丹  
冉香夢句學道無成還自笑人生習氣果難忘

登天壽閣

人間赤日無處避天上雲居即寶坊鳥飛無碍長空  
濶人意自生高閣涼風來為作不請友午夢經到無  
何鄉黃昏索馬出門去猶望東華塵土黃

和劉雲卿

屏山歿後使人悲此外交親我與雷千里老懷何日  
寫一生笑口幾回開心知契濶留陳土時復登臨上



吹臺目極天低雁回處西風忽送好詩來

和種竹

君家種竹五七個我亦近栽三數竿  
兩地平分風月破大家留待雪霜看  
土膏生色意葉猶卷客枕夢回聲  
已寒見此又思君子面何時相對倚闌干

寄元裕之

以雨新晴散痺頑一軒涼思坐中間  
樹頭風寫無窮水天末雲移不動山  
宦味漸思生處樂人生難得老來閑  
紫芝眉宇何時見誰與嵩山共往還

送宋飛卿二首

雄豪兩所妙秀而文不獨我云人亦云  
賀監早知仙李白薛宣那得吏朱云  
秋風汴水傷今別明月邠郊與子分  
瘦李之純鬢雷希願隔存沒只愁詩壘不能軍

又

未能免俗聊從宦遙望孤雲憶舊廬  
不樂徑歸真吏隱得閑隨分寄僧居  
開山牢落三年夢行李蕭條一束書  
想見蓮花峰下過路人遙指倒騎驢

至日次劉雲卿韻

此生天地一陳人百歲三分過二分  
老去光陰空惜日愁來世事獨看雲  
靜中剝復觀消長身外榮枯聽



糾紛猶有憂時心未已卧聽兒誦戰場文

百五日獨遊西園

西園啟鑰起芳塵滿眼風光不屬春樓閣人非空似  
舊蹊山歲久却成真斷橋沒板橫斜艇古木欹垣碍  
去輪老去搜詩厭彫斲晚風吹水白鱗

題王摩詰畫明皇劍閣圖

劍閣森危隔錦官雲間棧路細盤天迴日馭長安  
遠雨滴鈴聲蜀道難當日六軍同駐馬他時萬里獨  
回臺傷心凝碧池頭句有底工夫作畫看

和欽止河中即事

鶴鵲樓前一望時長河寂莫送斜暉人歌人笑几興  
廢年去年來今是非寒雨渡頭人斷渡秋風汾水雁  
來稀千村萬落人烟霽更許砧聲暮擣衣

予表用之

中築中條四十秋安排佳處近林隱居境為王官  
勝仙伯名因少室留架上殘書灰燼冷囊中妙藥鬼  
神偷傷心天柱峰頭月曾照先生杖屨遊

古瓶臘梅

石冷銅腥苦未清瓦壺溫水照輕明土花碧暈龍紋  
澁燭泪痕踈雁字橫未許功名歸鳥鴈且容風月入



瓶罌嬌黃喚起昭陽夢漢苑淒涼草棘生

雪意

門巷蕭條日易曛豆楷灰欲落江雲眼花淡々初疑  
見耳重蕭々竟不聞便可一盃平體粟不須六出點  
衣紋殷勤急遣蓬萊使探到梅花破几分

栗

漁陽上谷晚風寒秋入霜林栗玉乾未拆棧欄封萬  
穀乍分混沌出獲九賓朋宴罷煨秋熟兒女燈前爆  
夜闌千樹戾封寺塵土且隨園芋勸加餐

憶橙

悵望天涯驛騎塵政須玉甲破芳新可憐虛度梅梢  
月無計相陪竹葉春三日手香頻入夢一年秋好不  
關身快須準備新詩句倘有金苞贈故人

射虎

眼花百步透林寒抵死嗔人守九關只道草中藏白  
額豈知世上有黃間才聞父老愁三害倏見熊羆寢  
一斑寄謝咸陽歎黃犬何如霧豹隱南山

冬至

天時人事不難量消盡羣陰又一陽千里家山憑夢  
到數莖白髮為愁長老來度日惟經卷病後關心祇



藥方六十之年今過五不須苦死問行藏

菊二首

水冷雲疎木葉黃  
遠籬日送雁南翔  
酒傾棠落林廬靜  
秋入騷人齒頰香  
人惜後期霜雨露  
天教晚節傲風霜  
憑誰寄語陶元亮  
不為南山興自長

西風吹葉靜千林  
獨有幽香伴苦吟  
細葉宮槐舒碧  
皺小花佛頂暈黃深  
誰憐細雨情河限  
可思清霜瘦不禁  
寄語兒曹莫輕折  
重陽留待付孤斟

九月十一日夜對月

無花無酒過重陽  
轉覺閑居興味長  
明月豈隨人薄厚  
黃花不逐世炎涼  
閏年節晚初過夜  
老境衾寒知有霜  
清境喚回蝴蝶夢  
起尋竹影撼胡床

答趙慶之節夜

故人別後定何如  
春雁來時忽寄書  
壯歲從軍幾人在  
老來分守五年餘  
挂冠無計追弘景  
襍被何時行魏舒  
遙想西川賢父老  
瓜疇閑伴故侯鉏

題劉萊州像

當年二老趙張傳  
王脩然知府  
焦明鏡運使  
獨許先生第一流  
異政曾聞山鬼伏  
直聲湏向古人求  
從來



走卒知司馬到處兒童說細侯惆悵<sub>當</sub>舊遊處羊曇  
不肯過西州

九日會極日亭

孤亭高壓冷雲堆九日登<sub>隨</sub>賞酒盃魏國河山殘照  
在梁王臺殿野花開鷗從白水明邊沒雁向青天盡  
處回未必龍山如此會座中三館盡英才

再和

秋興高于灩澦堆秋光并入阮公盃霜凋蒲劍三稜  
折兩裂荷衣十字開北雁遠浮梁水動南雲低抱楚  
天回前日此日登高會點檢唯無短李才  
謂屏山死矣

過楊太尉墳

道傍古塚入荒榛下馬摩娑漢八分誰謂黃天無老  
眼卻令大鳥泣孤墳獨携一盞霜風酒一酌三峰日  
暮雲李杜就誅鉤黨起可能天下獨傷君

過邠州二首

地靈物秀古稱雄前有汾陽後范公千古山川形勝  
地兩朝人物畫圖中一家忠厚餘風化七月蠶桑咏  
女工誰識聖賢遺意在秦離篇末雜<sub>絕</sub>函風

又

遙看涇水遶城流不盡坡陀始見州歲暮蘭書催出



塞天寒風雪送行  
輶坡田井：龜圖画山路盤：篆  
印繆更欲殷勤訪陳迹  
夜深燈火伴牢愁

過慶陽

地形占得古金湯  
感難當時古戰場  
父子一家三范帥  
功名異代兩汾陽  
四山帶郭環天險  
二水分流會女牆  
想見公堂無一事  
臨川閣上日飛觴

暮春得寒字

九日鄆偷一日閑  
三分春色二分闌  
鄉關夢裏人空老  
風雨夜來花更殘  
乍折甕泥糕酒熟  
未開火禁粥錫寒  
何時投劾歸田去  
楊柳陰中把釣竿

秋雨

十日秋霖不出門  
前流水似江村  
牆頭新竹大于母  
砌下老桐今有孫  
潭雁背飛驚吹急  
濠魚逆上避河渾  
秋風未得乘槎便  
擬控扶搖北海鷗

百塔

松林橫截東南野  
蘭若斜連子午庄  
平楚風烟開鄆杜  
斷碑歲月自隋唐  
樓頭山入詩人座  
砌下泉分衲子房  
更欲秦川竊勝槩  
卻從高塔望雲陽

過石氏園樂天故居

石氏園亭竹一圍  
眼前勝事只心知  
幽禽有語能留



客流水無情自入池客裏歲華將盡日梅邊春信獨  
來時醉吟：後無吟者又得閑：一首詩

上已遊西園分韵得蘭字與楊禮部携同院諸  
公賦二首

相逢州：即盃盤誰識吾曾個裏歡燕蹴簷花墮茵  
席魚搖波日動闌干無窮照影溪：柳不住吹香晚  
曉蘭已屬清明連上已更容飛蓋接鴛鴦

跨鳳騎麟玉筍班蹇驢不作杜陵酸已煩蛋紙書陳  
迹更許仙舟汎碧瀾酒令致師嚴細柳詩朋塵戰處

皋蘭教鰲頭却返瀛洲去夢覺揚州宦背寬

挽劉雲卿

人物于今嘆渺然如君才德幾人全忠言唐介初還  
闕道學東萊不假年黃壤苦埋經世志青毡未了讀  
書緣西園酬唱空陳迹泪灑南風襍素牋

楊尚書宮直雪作擬應制作詩其時在假聞而  
和之二首

霰雪霏：點玉英玉堂鈴索悄寒生也應天上多端  
葉無賴人間有化城兔苑日之賢者樂羊羔加以聖  
之清吾曾安預籌邊事且及新年賀太平



黃昏陡覺悄寒生  
漏泄銅壺第幾更  
未放六花齊苑  
樹先留半月抹宮城  
一陶風俗還純素  
盡領乾坤入  
太清應似上方觀  
下界放教隻眼一時明

二月見梅花

不應閒處避嚴冬  
無賴春寒雪尚封  
縱使風霜欺尔  
瘦可能桃李為君容  
麗眉都尉嗟何晚  
飛騎將軍嘆  
不逢畢竟榮枯無定在  
此花勸汝倒金鍾

春寒花較遲

吟懷常恨負芳時  
及至春來雪尚滋  
榆莢半含椒粒

色柳條未爰趨塵絲  
墻陰更覺花開晚  
冰冷應知雁  
到遲慚媿蓬萊老仙伯  
已回和氣入新詩

殘梅

寒梅不作白頭新  
相對依々似故人  
要伴賓鴻并社  
燕未隨流水與紅塵  
空枝擬折猶堪嗅  
殘蕊重看不  
厭頻自是東皇催鼎食  
無情風雨不關春

杏花

香傳微雨隔簾櫳  
十載艤舫不負公  
愁見餘春紛雪白  
且看初日眩霜紅  
兩株副使鶯吟裏  
一色新郎馬  
足中投老安能知許事  
一鞭農事趁春風



此近體字樣詩  
非詩也悚愧

慶學士叔獻七十壽二首

乞得閑身七十餘  
知儿初不為鱸魚  
胸中幸有平邊策  
柳下聊觀養性書  
收拾雲山歸螭屐  
卷藏事業入藍輿  
君臣拊膺思頗牧  
未許先生作隱居

小築龍潭澗不孤  
盧鴻新有草堂圖  
四朝人物今誰在  
二老風流與我俱  
把酒談猶解醉上  
山筋力不須扶  
文章不逐年齡改  
能為開興作頌無

訪天寧周老

弊策羸童負束書  
清晨渺々獨騎驢  
乍辭天上尚書履  
來訪雲間大士居  
覽鏡年々非復我  
照溪處々得逢渠  
從今莫訝經過數  
乞得閑身頗自如







